

Խմբագրական

Ի՞նչ է Քրիստոսի Յարութեան Իմաստը

Քրիստոս՝ իր Յարութեամբ, ի՞նչ ուզեց ուսուցանել մարդկութեան եթէ ոչ, «հաւատք» հանդէպ «Ամենակալին» հաւատք հանդէպ վաղուայ լուսաւոր արշալոյսին՝ որն է «Յոյսը», որովհետեւ ինքը, իր ապրած կեանքով, գերագոյն գոհողութեան օրինակը տուաւ:

Ան հալածուեցաւ, կշտամբուեցաւ, մեղադրուեցաւ, չարչարուեցաւ, կրակի եւ արեան ճանապարհով անցաւ, խաչուեցաւ, որովհետեւ սէր քարոզեց, սիրեցէք զփմեանց քարոզեց, խաղաղութիւն Ամենեցուն ըսելով՝ ողջունեց համայն մարդկանց, որովհետեւ կը հաւատար յոյսին յաղթանակին եւ իր մահով՝ պարտութեան մատնեց մահը՝ որն էր իր հրաշափառ Յարութիւնը:

Քրիստոնէայ աշխարհին համար, Աւագ շաբաթը, Քրիստոսաբանական դաստիարակութեան հաւատոյ հանգանակն է, որ մարդոց կ'ուսուցանէ, ինքնամփոփուելու, խոկումի, սիրոյ, յոյսի, հաւատքի, լուստեսութեան, համեստութեան, ներումի, արդարութեան, անձնուրացութեան, հաւատարմութեան, նուիրումի, Աստուածապաշտութեան, աղօթասերութեան, պայքարի հոգեւոր կեանքի դասերը:

Ի՞նչ փոխուած է Քրիստոսի յայտնութեան շրջանէն մինչեւ այսօր: Ոչինչ չէ փոխուած:

Եթէ անցեալին՝ մարդը սպաննելու համար կը գործածէին չարչարանքը, տանջանքը, խոշտանգը, քարը, նետը, նիզակը, այսօր չարչարանքի միջոցները աւելի արդիական են, իսկ քարը փոխուած է փամփուշտով, նետը փոխանակուած է մահասարսուռ ռումբերով, նիզակը փոխուած է հրթիռներով եւ աշխարհը քանդելու մոխրացնելու աղոմական ռումբերով:

Մարդկութիւնը ոչնչացնելու ի նչ զէնքեր չեն հնարուած, համայն աշխարհը բնաջնջելու՝ անհետացնելու, ի նչ քիմիական եւ ոչ քիմիական զէնքեր չեն հնարած:

Դժբախտաբար Քրիստոնէայ արեւմուտքը, մտոցած է թէ ինքը քրիստոնէայ է եւ դարձած է անկրօն՝ ան-Աստուած, հեթանոս, որովհետեւ սկսած է պաշտել նիւթը, դրամը:

Եւրոպան այսօր, տակաւին չէ անդրադարձած, որ ինքը անկումի ճամբան բռնած է: Իրեն համար շատ ուշ է այլեւս վերաբարձրութիւնը՝ վերականգնումը, որովհետեւ իր հոգին նեխուած է, փտած է, ապականած է, անհաւատութեամբ, ընկերային դաժանաբարոյ վատառողջութեամբ, իրականութեան մէջ արեւմուտքը բաբելոն մը դարձած է, որ այլեւս դժուար է կարենայ ինքզինքը սանձել եւ կամ փրկել:

Շարունակութիւնը էջ 3

Նախագահը ընդունեց Յունաստանի ազգային պաշտպանութեան նախարարին

Նախագահ Սերժ Սարգսեան, Մարտ 29-ին ընդունած է երկօրեայ այցով Հայաստան գտնուող Յունաստանի ազգային պաշտպանութեան նախարար Փանոս Քամմենոսին: Ողջունելով հիւրին եւ ընդգծելով, որ հայ-յունական առնչութիւնները հազարամեակներու պատմութիւն ունին եւ լեցուն են բարեկամութեան բազմաթիւ դրսեւորումներով՝ Հանրապետութեան Նախագահը պատահական չի համարեր, որ երկու ժողովուրդներու յարաբերութիւններուն յատուկ է փոխըմբռնման եւ փոխվստահութեան բարձր մակարդակը: Սերժ Սարգսեանը ուրախութեամբ արձանագրած է, որ միջպետական յարաբերութիւններու աւանդական յենասիւններէն է նաեւ հայ-յունական պաշտպանական ոլորտի համագործակցութիւնը: Զրուցակիցները երկուստեք գոհունակութեամբ նշած են, որ վերջին տարիներուն երկկողմ համագործակցութիւնը նշանաւորուած է բարձր մակարդակի փոխայցերով, ինչպէս նաեւ պաշտպանական, տնտեսական, մշակութային, գիտակրթական եւ շարք մը այլ ոլորտներու մէջ համագործակցութեան սերտացումով:

Շարունակութիւնը էջ 3



ՆՈՐԻՆ ՍՈՒՐԲ ՕՏՈՒԹԻՒՆ
S.S. ԳԱՐԵԳԻՆ Բ. ԱՄԵՆԱՅՆ ՀԱՅՈՑ ԿԱԹՈՂԻԿՈՍԻ ՊԱՏԳԱՍԸ ՄԵՐ ՏԵՐ ՅԻՍՈՒՍ ՔՐԻՍՏՈՍԻ ՍՈՒՐԲ ՅԱՐՈՒԹԵԱՆ ՏՕՆԻՆ ԱՌԻԹՈՎ
(Սուրբ Էջմիածին, 1 Ապրիլ, 2018 թ.)



Յանուն Հօր եւ Որդոյ եւ Հոգւոյ սրբոյ. ամէն: «Ե՛ս եմ յարութիւն եւ կեանք. որ հաւատայ յԻս, թէպէտ եւ մեռանի՝ կեցցէ՛» (Յով. 11. 25-26):

Սիրելի բարեպաշտ հաւատացեալներ,

Քրիստոսի Սուրբ Յարութեան հրաշագարդ տօնին ուրախութիւնն ու խնդրութիւնը մեր հոգիներուն՝ ձայնակից ենք հրեշտակներուն՝ փոխանցելով իրարու «Քրիստոս յարեաւ» կենարար աւետիսը: Թափուր է Տիրոջ գերեզմանը, յայտնուած է Իր աստուածային գործութիւնը, եւ իրական է մահուան պարտութիւնն ու կեանքի յաղթանակը: Այսօր յարութիւն առած Քրիստոս Իր բոլոր հետեւորդներուն կը բերէ յաւիտենական կեանքի բերկրալի խոստումը. «Ես իսկ եմ յարութիւն եւ կեանք. ով կը հաւատայ Ինձ, թէպէտ եւ մեռնի, կ'ապրի»:

Քրիստոսի Յարութեան ողջոյնը փոխանցելով, մենք, սիրելիներ, կը հաստատենք մեր հաւատքը, որ հիմնուած է Յարութեան տիեզերանորոգ հրաշքի վրայ:

Շարունակութիւնը էջ 6



ՀՈՒՆԱՀԱՅՈՑ ԹԵՄԻ ԱՌԱՋՆՈՐԴԱԿԱՆ ՏԵՂԱՊԱՀ S.ԽՈՐԵՆ ՎՐԴ. ԱՌԱՔԵԼՅԱՆԻ ՊԱՏԳԱՍԸ՝ ՀԻՍՈՒՍ ՔՐԻՍՏՈՍԻ ՀՐԱՇԱՓԱՌ ՀԱՐՈՒԹՅԱՆ ՏՈՆԻ ԱՌԻԹՈՎ



«Ձի՞ խնդրէք զկենդանին ընդ մեռեալս. Չէ աստ, այլ յարեաւ.» (Դուկ. 24:5-6):

Հավատացյալ քույրեր եւ եղբայրներ ի Հունաստան: Այսօր՝ Տիրոջ Հրաշափառ Հարության կենսաբեր տոնին, հրեշտակի խոսքին հետեւելով գնում ենք Տիրոջ ողջերի մէջ փնտրելու: Քրիստոսի Հարությունը մեղսածին մահվան անորոշ խավարի մէջ մեզ բերեց կենաց լույսը հավիտենական, մարդկանց պարգևեց երկնքի արքայության ձրի շնորհը: Քրիստոսի Հարությամբ մարդը մի նոր կյանք սկսելու, Տիրոջով նորոգվելու եւ Աստծո հետ հաշտվելու հնարավորություն ստացավ: Մարդն ազատ է այլևս մահվան դատապարտվելու նզովքից, փոխարենը ստացել է Աստծո հետ ապրելու երանելի ժառանգորդի իրավունքը:

Տիրոջ Ամենակալ Որդին Իր Հարությամբ մեզ բերեց այդ լուրը, որով մենք իրավունք ստացանք մաքրվելու եւ հավիտենական ապրելու:

Շարունակութիւնը էջ 3

Հայերը Պատմութեան Հետքերով

ՀԱՅԵՐԸ ՍՈՒՐԻՈՅ ՄԷՋ

ՆՈՒՐԴ ՄԱՏՈՅԵԱՆ-ՏԱՐԱԳԵԱՆ

Ա. Պատմական Ակնարկ

Արմեն-Արամէ եւ Սուտի-Աքլամէ Անուններու Ծագումը

Հայ ժողովուրդի ծագման մասին հնագոյն ժամանակաշրջաններու վերաբերեալ եղած պատկերացումներուն համաձայն, հին ժամանակներէն Քրիստոսէ շատ դարեր առաջ հայոց մայրաքաղաքը «Հիթիթներու եւ Հայերու» մասին տեսութեան համաձայն, հաստատուած էին Սուրիոյ պատմական տարածքներուն վրայ:



Նախագահութեամբ Վեհ. Սահակ Բ. Կաթողիկոսի ԳԲԸՄիութեան Հայկախի Մասնաճիւղի երեկոյթը

Պատմագիտութեան մէջ կը յիշուի, թէ Aram անունը (հնչիւնային աղաւաղումով) Arim անունան փոփոխակը եղած է: Բայց նկատի առնելով ուրարտական Arame կամ Արամ անունը, կարելի է հաստատել, թէ Ar-am անունն am վերջնամասը ունի հայերէնի Ար-մա անուն վերջաւորութեան իմաստը, որ կը նշանակէ՝ «ծնունդ», «սերունդ»: (Ըստ Գր. Ղափանցեանի, Արամ անունը չի բացատրուիր սեմական լեզուաբանութեամբ), («Հայաստ» էջ 183-184 Մ.Գ. էջ 371): Ինչպէս Արգ-ամ, «Արեգի-ծնունդ», Արշ-ամ, «Արեւի ծնունդ», Բագ-ին, Բագ-արան, դիցանուն է, կամ կը նշանակէ «աստուած»: Բագ-ամ, կը նշանակէ «Բագի-ծնունդ», աստուածային ծնունդ»: Արգ-ամ, «Արեգի-ծնունդ»: Ուստի Ար-ամ կը նշանակէ Ար-ի ծնունդ, Ար-որդի կամ արեւու երկիր», որ հոմանիշ է Arim-ժ անունն եւ կը նշանակէ «արեւու երկիր»: (Մ.Գ. Արմէն եւ Հայ Անունների Ծագումը» էջ 371):

Պատմագիտութեան յայտնի է նաեւ, որ արաբական թերակղզիէն սեմիտական ցեղեր ներխուժած են Մերձաւոր Արեւելք պատմական երեք ժամանակաշրջաններուն: Սեմիտական ցեղերու առաջին գաղթը սկսած է Դ. հազարամեակի կէսին (մ.թ.ա.), հաստատուած են տուներ-ակկադեան երկիրը: («The Dawn of History», «The Home University Library, p.113) Մ. Գաւուքճեան «Արմէն եւ Հայ Անունների Ծագումը» էջ 369):

Սեմիտական երկրորդ գաղթը կը սկսի արաբական թերակղզիէն ներխուժելով Մերձաւոր Արեւելք, 1000 տարի յետոյ Գ. հազարամեակի կէսին: Այս գաղթով եկած Սեմիտական ցեղերը Բ. հազարամեակի սկիզբները կը հաստատուին Կանաանի (կամ Գանաանի) եւ Ասորեստանի հարաւային շրջաններուն մէջ, ուր կը հիմնեն Ասուրական ուժեղ պետութիւնը: Այդ մասին առաջին յիշատակութիւնները վերագրուած են մօտ 1800 թուականին (մ.թ.ա.):

Սեմիտական ցեղերու երրորդ գաղթը (որ յետագային կը կոչուի արամեական) ըստ Myres-ի անոնք դուրս եկած էին արաբական թերակղզիէն 14-րդ դարի կէսին (մ.թ.ա.) Կանաանի եւ Պաղեստինի շրջաններէն ներխուժելով Ասորիք:

Սեմիտական ցեղերը Սուրիա մտնելէն առաջ կը կոչուէին «Suti եւ Achlame»:

Սուրիա հաստատուելէն ետք, իւրացուցին arim (ARIME) անունը, տեղի արիմ-ներու անունով, եւ երկրի անունով կոչուեցան Արիմէ, արիմեցիներ կամ արամեացիներ:

Ճիշդ այնպէս ինչպէս Եգիպտոս անունը չի պատկանիր Եգիպտոսի արաբներուն, որոնք Եգիպտոս հաստատուելէն ետք դառնալով երկրի բնակիչներ, տեղի բնիկներու ցեղանունով կոչուեցան Եգիպտացիներ:

Յետագոտութիւններ կան, որ Սեմիտները Կանաան գալէն յետոյ իւրացուցած են այդ անունը: Արամեական կոչուած Սեմիտական ցեղերը, նախքան Սուրիա մտնելը, Բաբելոնի արքաներու կողմէ կը կոչուէին Suti եւ Achlame.

Այս մասին J.L.Myres կը հաստատէ, թէ Արամեացիները հիւսիս-արեւելեան Արաբիայէն դուրս եկած են մօտ 1350 թուականներուն (մ.թ.ա.) «աւարելով ու աւերելով ողողեցին գրեթէ ամբողջ Եփրատեան սահմանը»: (Մ. Գաւուքճեան «Արմէն եւ Հայ Անունների Ծագումը» էջ 371):

Անտարակուսելիօրէն կը պարզուի, որ արաբական անապատներէն Սուրիա ներխուժած սուտի եւ աիլամէ (կամ աքլամէ) ցեղերը արամ (արամեացի) անունը ժառանգած են բնակիչները դառնալով Ասորիքի, որուն Արիմէ կամ Արամ անունը պահած է յիշատակը այն հին օրերուն, երբ Սեմիտները գալէն առաջ այս շրջաններուն մէջ տարածուած էին արեւի մեծ աստուած Ար-Արայի սերունդները՝ արմա, արիմէ կամ ուրմէ կոչուած հայ-արմէները:

Բ. Հայ ժողովուրդի Կազմաւորումը եւ Հայկական Առաջին Պետութեան Առաջացումը

Հայ ժողովուրդի կազմաւորման հարցը կարելի էր հիմնելու հայկական պետութիւնը, որ պատմականօրէն կապուած էր հայկական առաջին պետութեան առաջացման հետ: Այդ պետութիւնը սկիզբները կը համարուէր Արտաշէսեան հայկական պետութիւնը: Սակայն վերջը Երուանդունիներու հայկական պետութիւնն էր որպէս սկզբնա-ւորութիւն, ընդունելով Ուրարտուի անկման ժամանակաշրջանը: Թէեւ կայ այն տեսակէտը, որ հայերու մուտքը Ուրարտու կատարուած է Ուրարտական պետութեան անկումէն առաջ՝ վկայակոչելով «Էրի-մենա» անուն գոյութիւնը:

Պատմագիտութեան մէջ ընդունուած տեսակէտ է, որ ուրարտական պետութեան ժամանակ կազմաւորուած է հայ ժողովուրդը Նայիրեան ցեղերու միաւորմամբ: Այդ ցեղերուն կեդրոնական կորիզը կը կազմէին Ռուշունիներն ու Արծրունիները որոնք ջանքերով իրականացաւ Նայիրեան ցեղերու միաւորումը: Ասորեստանի հզօր կայսրութեան դէպի հայկական լեռնաշխարհ ծաւալումը կանգնեցնողը հզօր Ուրարտուն էր:

Ուրարտունէն յետոյ Երուանդունիներու պետութիւնը, որոշ չափով կը գտնուէր նախապէս մարերու եւ ապա աքեմենեաններու գերիշխանութեան տակ: Սակայն ունէր տիրողի եւ նուաճողի բոլոր արտօնութիւնները: Ուստի կարողացաւ միաւորել հայկական լեռնաշխարհի ցեղերը, միասնական մէկ լեզուով (հայերէնով) խօսող ժողովուրդի կազմաւորման համար:

Հայոց պատմութեան վճռական մէկ պահուն Հայաստանի Արքայ Արտաշէս Ա.-ը (մ.թ.ա. 189-160 թթ.), կու գար վերականգնելու հայոց ինքնուրոյն պետականութիւնը: Իր պետութեան մէջ վերամիաւորելով Մեծ Հայքի տարածքները: Հայոց արքան կը նուաճէ այն բոլոր գաւառները, որոնք Հայաստանի բնական սահմաններ էին, հասնելով մինչեւ Սեւ ու Կասպից ծովերը: Այդպիսով Արտաշէս Ա. թագաւորը կը ստեղծէ Միացեալ Հայկական Պետութիւնը՝ Հայոց Ազգային Միութիւնը:

Արտաշէսի համբաւի մասին կը վկայեն Հայ եւ Յունա-Հռոմէական հեղինակներ՝ սկսած պատմիչ Պոլիբիոսէն (մ.թ.ա. II դ.) մինչեւ Ստրապոն (մ.թ.ա. I դ.), եկեղեցական հեղինակ Հիերոնիմոսը (մ.թ.ա. IV-V դդ.) եւ հայոց պատմահայր Խորենացին:

Ստրապոնը նկարագրելով ժամանակի իրողութիւնները կը յիշէ, թէ Հայաստանը աճած է Արտաքսիասի (Արտաշէս) եւ Ջարիադրիսի (Ջարեհ) նուաճումներով: Երկուքն ալ ընդարձակեցին Հայաստանը շրջակայ ազգերէն հողեր գրաւելով, Մարերէն, Ասորիներէն, Անդի Տաւրոսի շրջաններէն:

Հայաստանի դրացի երկիրներէն էր Սելեւկեան պետութիւնը: Պատմութեան մէջ կը յիշուի, թէ Մեծ Հայքի առաջին թագաւոր Արտաքսիաս (Արտաշէսը) Ա.-ը եւ Փոքր Հայքը հիմնող Ջարիադրիսը (Ջարեհ) եղած են Սելեւկեան Մեծ Անտիոքոսի նախկին զօրավարները:

Անտիոքոս Մեծի մահէն ետք իրեն կը յաջորդէ իր թուլամորթ որդին Սելեւկոս IV-ը (187-175 թթ. մ.թ.ա.):

Այդ ժամանակաշրջանին Հայաստանը դարձած էր հսկայ, ուժեղ պետութիւն, որ կը ձգտէր առաւել ընդարձակել իր սահմանները դէպի հայկական լեռնաշխարհի հայաբնակ ծայրամասերը:

Հայկական զօրքերը առաջին հերթին 168թ. (մ.թ.ա.) կը նուաճեն Սելեւկեաններու իշխանութեան տակ գտնուող երկիրներէն՝ Տնորիքը, եւ զայն կը միացնեն մեծ Հայքի պետութեան, երկրամասին սահմանը հասցնելով մինչեւ Տիգրիսի ափերը: Արտաշէս Առաջինին կը մնար հայկական լեռնաշխարհին միացնել նաեւ Ծոփքը, սակայն Ծոփաց Արքայի՝ Ջարեհի որդիին սպանութենէն ետք, ինչ-ինչ պատճառներով տեղի տալով, Ծոփքի միացման փորձը կը յետաձգուի շուրջ 70 տարի մինչեւ Տիւրան II-ի օրերը:

Արտաշէսեան հարստութեան շրջանին (մ.թ.ա. I դ. կէսին), Հայաստանը դարձաւ ինքնուրոյն եւ ընդարձակ պետութիւն: Արտաշէս Առաջինի հիմնադրած նոր մայրաքաղաքը՝ Արտաշատ, հին աշխարհի քաղաքական, առեւտրական եւ մշակութային երեւելի կեդրոններէն մէկն էր:

Արտաշէս Առաջինին կը յաջորդեն իր երկու որդիները՝ Արտաւազդ Ա.-ը (մ.թ.ա. 160-115 թթ.), եւ Տիւրան Ա.-ը (մ.թ.ա. 115-95 թթ.): Այս նոյն ժամանակաշրջանին Առաջաւոր Ասիոյ երկիրներու մէջ տեղի կ'ունենար քաղաքական ուժերու արմատական փոփոխութիւններ: Այս անգամ մեծ վերելք կ'ապրէր Իրանական բարձրաւանդակին մէջ ստեղծուած Պարթեական պետութիւնը: Պարթեւ Արքայ Միհրդատ Բ. (մ.թ.ա. 123-87 թթ.) ճակատամարտին յաղթելով Հայոց Արտաւազդ Ա. Արքային, իր հետ պատանդ կը վերցնէ Տիգրան Ա. որդի Տիգրանին:

Իսկ երբ հայոց գահը թափուր կը մնայ, Պարթեւները Տիգրանին կը դրկեն Հայաստան թագաւորելու, որպէս փրկագին ստանալով «Եօթանասուն Հովիտներ» կոչուող երկրամասը, Հայաստանի հարաւ արեւմտեան շրջանները:

Հայաստանի նոր Արքան Տիգրան Բ. (մ.թ.ա. 95-55 թթ.), բռնելով արտաքին նուաճումներու ուղին, կը ստեղծէ նոր տէրութիւն:

Տիգրան Բ. կը սկսի այնտեղէն ուր իր մեծ հայրը Արտաշէս Առաջինը չէր կրցած իր աւարտին հասցնել: Հայոց Արքան առաջին հերթին կ'իրականացնէ Մեծ Հայքի տարածքին ամբողջացումը՝ Ծոփաց աշխարհի վերամիաւորումը: Այնուհետեւ կը վերանուաճէ «Եօթանասուն Հովիտներ»-ը:

Շարունակութիւնը յաջորդիւ

Շարունակում է 1-ին

Նախագահը ընդունեց...



Նախագահը ջերմությամբ յիշած է 2016-ին Յունաստան կատարած իր պաշտոնական այցը եւ նախարար Քամենուսէն խնդրած է իր ջերմ ողջոյնները ու բարեմաղթանքները փոխանցել Յունաստանի վարչապետ Ալեքսիս Ցիփրասին եւ նախագահ Փրոքոփիոս Փալոփոյոսին:

Նախագահ Սարգսեանը եւ Յունաստանի պաշտպանութեան նախարար Փանոս Քամենուսը գոհունակութիւն յայտնած են

Շարունակում է 1-ին

Ի՞նչ է Քրիստոսի Յարութեան Իմաստը...

Արեւմուտքը՝ այն օրէն որ սկսաւ իր գաղութարարական քաղաքականութեամբ զբաղիլ, իր անկումը սկսաւ: Ան փոխանակ ազգերուն եւ ժողովուրդներու օգնէ որպէս զարգանան քաղաքակրթութիւն, անոնք մտածեցին ժողովուրդները ստրկացնեն եւ կամ բնաջինջ ընեն:

Ի՞նչ փոխուած է Պերլինի ժողովէն 1878-էն մինչեւ այսօր: Ոչինչ չէ փոխուած ժողովուրդներ կը վաճառեն, երկիրներ կը քանդեն, ազգեր արմատախիլ կ'ընեն իրենց դարաւոր հայրենիքէն եւ հողէն, որպէսզի իրենք, միայն իրենք ոսկեգոծ եւ ապակիէ պալատներու մէջ ապրին:

Դիտեցէք այսօրուայ աշխարհին պատկերը, ո՞ր պատերազմ չկայ, ո՞ր քանդում չկայ: Ժողովուրդներ ցեղասպանութիւններու կ'ենթարկուին, երկիրներ ամբողջութեամբ կը քանդուին արեւմուտքի հոգը չէ, այլ ժողովուրդներ բնաջնջելու, երկիրներ կողոպտելու նոր ծրագիրներ՝ նոր զէնքեր, եւ այս բոլորը քրիստոնէայ կոչուած արեւմուտքին կողմէ:

Ո՞ր մնաց Քրիստոնէութիւնը: Աստուծոյ՝ Քրիստոսի՝ խաղաղութեան մարդասիրութեան մասին խորհող չկայ: Ամէն ինչ կ'եղծիք է, ամէն ինչ արտաքին կ'եղծ՝ պերճ զարդարանք է, իսկ ներքին ոգին, իսկ ոգին փտած՝ ոճրային ծրագիրներով յղիացած արեւմուտք մը, փաստ, դիտեցէք Միջին Արեւելքի պարագան, ուր ամէն օր ցեղասպանութիւններ եւ քանդումներ կը պատահին կ'եղծ ապականած խորտակուած, եղծանուած քրիստոնէայ եւ իսլամ պետութիւններու կողմէ:

Արդեօք այս սրբացած օրերուն արեւմուտքի հզօր առաջնորդները, եթէ եկեղեցի յաճախեն, իրենց միտքերէն պիտի անցնի, թէ ի՞նչ ոճիրներ կը գործեն եւ պետք է սրբագրեն:

Արդեօք սփիւռքի ղեկավարութիւնը կը մտածէ մօտ ապագային, սփիւռքի ճշմարիտ «Միասնականութեան» մէկ «Միաւորի» ստեղծման մասին:


Արդեօք, հայրենի պետութիւնը այսօր եւ վաղը պիտի մտածէ, հայրենի ժողովուրդին հայթայթէ, հաց, աշխատանք, դեղ, ապահովութիւն եւ արդար ամենօրեայ կեանք մը:

Այս բոլոր մտախնայները՝ համայն մարդկութիւնը կը սպասէ, աշխարհի հզօր երկիրներու առաջնորդներէն, ինչպէս նաեւ սփիւռքի եւ հայրենի ժողովուրդը՝ իր հայրենի պետութիւնէն:

Որպէս Քրիստոնէայ, կը հաւատանք, կը յուսանք Աստուածային հրաշքներուն:

Քրիստոս Յարեալ ի Մեռելոց, համայն մարդկութեան՝ Աստուծոյ օրհնութեամբ խաղաղութիւն:

պաշտպանութեան բնագավառի հայտնական երկկողմ համագործակցութեան ներկայիս բարձր մակարդակէն: Մերժ Սարգսեանը անգամ մը եւս երախտագիտութիւն յայտնած է յունական կառավարութեան կողմէ տարիներ շարունակ ռազմական եւ քաղաքացիական կրթութեան ոլորտում ցուցաբերուող աջակցութեան համար նշելով, որ այդ մեծ ներդրում է բարեկամութեան ամրապնդման գործի մէջ, քանի որ Յունաստան կրթութիւն ստացած հայ երիտասարդները իրենց նպաստը կը բերեն երկկողմ յարաբերութիւններու զարգացման: Հանդիպման ընդացքին անդրադարձ եղած է նաեւ Երեւանի մէջ անցկացուող «ԱրմՀայթեք» ցուցահանդէսին, ուր այցելած է նաեւ Յունաստանի ազգային պաշտպանութեան նախարարը: Զրուցակիցները ցուցահանդէսը լաւ հնարաւորութիւն համարած են ծանօթանալու ռազմական արդիւնաբերութեան բնագաւառի մասնակից երկիրներու ձեռքբերումներուն եւ զարգացնելու ռազմատեխնիկական համագործակցութիւնը: Նախարար Փանոս Քամենուսը նշած է, որ հայ գործընկերոջ հետ կը շարունակուին համատեղ ջանքերը պաշտպանութեան ոլորտի համագործակցութիւնը ընդլայնելու ուղղութեամբ:



Շարունակում է 1-ին

ՀՈՒՆԱՀԱՅՈՑ ԹԵՄԻ ԱՌԱՋՆՈՐԴԱԿԱՆ ՏԵՂԱՊԱՀ...

Ինչպէս ասում է Ամենայն Հայոց կաթողիկոս Գարեգին Բ-ն, «Քրիստոսի Ավետարանը հարության Ավետարանն է, հավիտենության Ավետարանն է, կյանքի Ավետարանն է, որի միջոցով է մեզ հասու Աստծո անսահման սիրտ իմացությունը, հոգիները կենդանացնող տերունական ձայնը, Քրիստոսի Հարության ճշմարտությունը:»

Այսօր մեզ համար հրաշալի առիթ է գնահատելու Տիրոջ պարզի անսահմանությունը և անդրադառնալու յուրաքանչյուր մեր ընթացքին, այսօր մենք այս հրաշափառ խորհրդի առջև պետք է քննենք ինքներս մեզ, գնահատելու համար, թե որքանով ենք մենք այս շնորհված ժառանգության կրողը, թե որքանով ենք մենք մնացել Աստծո հետ, թե արդյոք մենք թողել ենք մեր մահաբեր «ԵՍ»-ը և բռնել Տիրոջ խոնարհվող ու հարություն առնող ուղին: Եթե մեր ներսում դեռ թագավորում է «Ես», ը, ապա այսօր ճիշտ այդ օրն է, որ մենք դուրս նետենք այն, խոնարհվենք ու հրավիրենք Հարությալ Փրկչին՝ թագավորելու մեր սրտերի մէջ: Տերն Իր Հաղթական Հարությամբ մեզ պիտի բերի խաղաղություն ու սեր:

Դժբախտաբար կյանքի այս արագընթաց զարգացման փուլում մարդն ավելի է հեռանում իրական խաղաղությունից՝ փնտրելով Հարությալ փրկչին մեռելների մէջ, կարծելով թե հավիտենական խաղաղությունը նյութի, իշխանության կամ զարգացած տեխնոլոգիաների մէջ է: Ունայն է նման փնտրութեամբ, քանզի իրական խաղաղություն, սերն ու կյանքը Տիրոջ մէջ է Ով Հարություն է առել և Որին պետք չէ մեռելների մէջ փնտրել: Իհերկէ, Տիրոջ Կենսաբեր հարությունը միայն ձրի շնորհ չէ, այլ՝ դատաստան, ինչպէս ասում է Ավետարանը. «Կգա ժամանակ, երբ բոլոր նրանք, որ գերեզմաններում են, կլսեն Նրա ձայնը և դուրս կգան. ովքեր բարի գործեր են արել՝ կյանքի հարության համար, իսկ ովքեր չար գործեր են արել՝ դատաստանի հարության համար» (Հովհ. Ե 28-29):

Այսպիսով, Միբելիներ, Մաղթանքս է, որ Տերն Իր Հարության ավետիսով լուսավորի ամենքիդ սրտերը և Իր մէջ ապրելու հարութենական գործությամբ գորանցնի: Թող որ Տիրոջ Հարության ավետիսը արթնության ու եղբայրասիրության առիթ դառնա համայն աշխարհին, բայց մանավանդ մեր հունահայ հավատացելոց: Բա՛վ է մեզ դառնությունն օտարի, բա՛վ է մեզ չարությունն անզգամի, և բա՛վ է մեզ նախանձը դժկամի, քանզի մենք որդիներն ենք Հարությալ փրկչի ու վկաները՝ Հիսուսի սրբացնող արյան:

ՔՐԻՍՏՈՍ ՅԱՐԵԱԻ Ի ՄԵՌԵԼՈՑ
ՕՐՀՆԵԱԼ Է ՅԱՐՈՒԹԻՒՆԸ ՔՐԻՍՏՈՍԻ
ՄԵՁ ԵՒ ՁԵՁ ՄԵԾ ԱՎԵՏԻՄ
ՕՐՀՆՈՒԹՅԱՄԲ՝
ԽՈՐԵՆ ՎՐԴ. ԱՌԱՔԵԼՅԱՆ
ԱՌԱՋՆՈՐԴԱԿԱՆ ՏԵՂԱՊԱՀ ՀՈՒՆԱՀԱՅՈՑ ԹԵՄԻ

Ապրիլեան Քառօրեայէն Երկու Տարի Անց



ԵՐԵՒԱՆ, «Արմրատիօ».- Լրագրող Լիլիթ Մուրադեան կը հաղորդէ. «Եռաբլուր» պանթէոնում հոգեհանգստի կարգ է, խնկարկում ի յիշատակ ապրիլեան պատերազմում զոհուած հայորդիների: Նշանառու Գրիգոր Յարութիւնեանի մայրը տիկին Անահիտն է խաչակնքում ու աղօթում որդու համար: Ուժերիդ գերլարումով մօտենում ես նրան ու փորձում ես զրուցել: Նա արդէն յստակ գիտի ի՞նչ հարց են իրեն ուղղելու: Ասում է՝ ցար չի մեղմացել:

Յետոյ արդէն ասում բազմաթիւ անգամ պատմածը՝ ո՞վ, ինչպէ՞ս իրեն տեղեակ պահեց որդու զոհուելու մասին. Ասում է, որ մինչ լուրը կը հասնէր նրան՝ սիրտը վատ բան էր կանխագգում: Գիշերը մի քանի անգամ արթնացաւ սրտի ծակոցից, քնած տեղը լսել էր որդու ձայնը՝ յետոյ ինքն էր հանգստացրել այն յոյսով, որ որդու հետ խօսել էր Մարտի 31ին:

Տիկին Անահիտն շտապում էր տուն: Միւս որդին, ով այս պահին ծառայում է բանակում, զինուորական արձակուրդ էր եկել:

Առաջին անգամ զինուորները չլսեցին հրամանատարին, անհուսաւ պայքարը շարունակում էր... Քեարամ Սլոյեանը, Ռոբերտ Աբաջեանը, Անդրանիկ Զոհրաբեանը զոհուեցին իրենց հրամանատարի հետ:

«Եռաբլուր» պանթէոնում Քեարամի մայրն է: Նախօրօք մտածուած սփոփանքի բոլոր խօսքերն անիմաստ են թուում, սկսում ես բառեր փնտռել, բայց նրանք այնքան ուժեղ են, որ իրենք են քեզ օգնութեան հասնում: Քեարամի մայրն ասում է, որ միւս որդուն ճանապարհում է հայոց բանակ ու նոյն պահին էլ յաւելում՝ հպարտ է իր Քեարամով:

Եթէ Մարտակերտում չլինէին Ուրֆանեանի նմանները, հիմա Մարտակերտ քաղաքը հակառակորդի ձեռքում կը լինէր: Ապրիլից յետոյ շատ բան փոխուեց, սակայն մի բան մնաց անփոփոխ՝ եղած դէպքում այսօր էլ պատրաստ են մեր տղաները հակառակորդին հուժկու հարուած հասցնել: Արմէնակ Ուրֆանեանի մայրիկին չի սփոփում հերոսի մայր լինելու զիտակցումը:

Յանկարծ նկատում եմ, որ «Եռաբլուր» պանթէոն են բարձրանում ապրիլեան պատերազմի մասնակիցները, որոնցից շատերն այսօր բուժում են նորաբաց վերականգնողական կենտրոնում: «Ռադիօլուր»ի զրուցակիցը Յովհաննէս Պօղոսեանն է, յիշում է, որ գիշերը պայթիւնի ձայն է լսել, որից յետոյ էլ սկսուել են հիմնական գործողութիւնները:

Աթենքի Բաց համալսարանի ուսանողներն այցելեցին «Հայաստան» կենտրոն

Աթենքի Բաց համալսարանի մի խումբ ուսանողներ այսօր հյուրընկալվեցին «Հայաստան» հ/մ կենտրոնում: Այցի նպատակը «Հայաստան» կենտրոնի հիմնադիր անդամ, Հայ-հունական ուսումնասիրությունների կենտրոնի հետազոտող Էլենի Քասեայանի հետ հանդիպումն էր:

Շուրջ երկու ժամ տևած հանդիպման ընթացքում ուսանողներն ունկնդրեցին հայական, կիպրական և հունական հեքիաթներ և առասպելներ, ծանոթացան հեքիաթների ժանրերի, հայ և հույն հեքիաթային հերոսների արխետիպային մի շարք առանձնահատկությունների հետ:

«Հեքիաթների հեղինակը հիմնականում ժողովուրդն է: Այն, ինչ կյանքում անհնար է եղել իրականացնել, մարդիկ ցանկացել են տեսնել հեքիաթներում: Այսպիսի միջոցառումները հայ-հունական մշակութային երկխոսության համար լավագույն հարթակ են հանդիսանում», -նշեց Էլենի Քասեայանը:

Նախարար Սարգսեան մասնակցած է Արցախեան Քառօրեայի նահատակներու յիշատակի մոմավառութեան



Երկուշաբթի՝ 2 Ապրիլ 2018-ին, Հայաստանի Հանրապետութեան պաշտպանութեան նախարար Վիգէն Սարգսեան մասնակցած է Արցախեան քառօրեայի ընթացքին զոհուած նահատակներու ոգեկոչման արարողութեան:

Այս մասին լուրը կը փոխանցէ «Արմէնփրէս»ը նշելով, որ մոմավառութիւնը տեղի ունեցած է Նոր Նորք շրջանի «Թաթուլ Կրպէլեան»ի անուան այգիին մէջ:

Տեղին է յիշել, որ սոյն տարուայ 2 Ապրիլին՝ իր լրումին կը հասնի Արցախի մէջ տեղի ունեցած պատերազմական քառօրեային երկրորդ տարելիցը, որուն ընթացքին հարիւրէ աւելի հայ զինծառայողներ նահատակուեցան:

Հերոսական պայմաններու մէջ իրենց արիւնը հայրենի հողին տուած հերոսներու ջանքերուն եւ վեհ արարքներուն շնորհիւ հակառակորդ Ատրպէյճանի բանակը ստիպուած եղաւ հաշտի նստիլ հայկական կողմին հետ եւ Մոսկուայի թելադրանքը կատարել վերհաստատելով 1994 թուականին կնքուած հրադադարը:



Միջոցառումը շարունակական է լինելու: Առաջիկայում նախատեսվում են նոր հանդիպումներ:

Հիշեցնենք, որ այսպիսի միջոցառումներ «Հայաստան» կ/մ կենտրոնը պարբերաբար կազմակերպում է 2015-ից՝ Հայոց ցեղասպանության 100-րդ տարելիցից սկսած:

«Հայաստան» լրատվական կենտրոն

Ըստ «Տեր Շփիկըլ»-ի՝ Էրտողան անձամբ հրահանգած է Հայոց Ցեղասպանության բանաձեւին դէմ Պերլինի մէջ ցոյցեր կազմակերպել

Թուրքիոյ նախագահ Ռեճեփ Թայիփ Էրտողան անձամբ հրահանգած է Գերմանիոյ մէջ բողոքի ցոյցեր կազմակերպել՝ Յուլիս 2016-ին Պունտրսթալի մէջ Հայոց ցեղասպանութիւնը ճանչցող բանաձեւի որդեգրման դէմ: Ինչպէս կը հաղորդէ «Արմէնփրես»՝ վկայակոչելով «Անվալ» գործակալութիւնը, այս մասին կը գրէ գերմանական «Տեր Շփիկըլ»:



Գերմանիոյ ոստիկանութեան կողմէ ձայնագրուած հեռաձայնային հաղորդակցութեան մէջ կ'երեւի, թէ ինչպէս էրտողան 1 յուլիսին՝ Պունտրսթալի մէջ Հայոց ցեղասպանութիւնը ճանչցող բանաձեւի որդեգրումէն մէկ օր առաջ կը հեռաձայնէ Թուրքիոյ իշխող Արդարութիւն եւ բարգաւաճում կուսակցութեան երեսփոխան Մերիս Քիլունքին, որ այդ ժամանակ Պերլին էր եւ կը զբաղէր բողոքի ցոյցերու կազմակերպումով:

«Տեր Շփիկըլ» հրապարակած է Հեսսեն երկրամասի ոստիկանութեան կողմէ ձայնագրուած հեռաձայնային հաղորդակցութիւններէն մէկուն տղազրութիւնը, որ կ'արտօնէ ենթադրել, որ Էրտողան անձամբ կը ղեկավարէր բողոքի ցոյցերը:

Հեսսենի ոստիկանութիւնը կը լսէ, թէ ինչպէս էրտողանը՝ խօսելով Քիլունքի հետ: «Ինչպէս էք, պարոն նախագահ», կը հարցնէ երեսփոխանը: Ապա կը զեկուցէ Պերլինի մէջ քննարկուող բանաձեւին դէմ բողոքի ցոյցերուն մասին՝ աւելցնելով. «Կը սպասեմ ձեր հրահանգներուն»:

Էրտողան կը պատասխանէ, որ պիտի կապուի Քիլունքի հետ եւ բարի գիշեր կը մաղթէ անոր:

Գերմանական պարբերականը կը նշէ, որ հեռաձայնային հաղորդակցութեան բովանդակութիւնը ապշեցուցած է Հեսսենի ոստիկանութիւնը, որ արձանագրած է, թէ ի նչ մեծ ուշադրութիւն կը դարձնէ Անգարան Հայոց ցեղասպանութեան բանաձեւին եւ ատոր որդեգրման դէմ Պերլինի մէջ կազմակերպուելիք ցոյցերուն, որ ատով անձամբ կը հետաքրքրուի երկրի նախագահը:

«Տեր Շփիկըլ» կը յայտնէ, որ ներկայիս հետաքննութիւն կը կատարուի՝ բացայայտելու Քիլունքի կապը Թուրքիոյ գաղտնի սպասարկութիւններուն հետ, այն բանէն ետք, որ 2017-ին տեղեկութիւններ յայտնուած էին, որ երեսփոխանը գումարներ կը տրամադրէ թուրք-գերմանական ազգայնական «Օսմանէն Ճերմանիա» խմբաւորման: Ըստ տեղեկատուութեան, գումարները օգտագործուած են քրտական խումբերու դէմ զինամերթը գնելու համար:

Պերլինի մէջ Հայոց ցեղասպանութեան բանաձեւի որդեգրումէն ետք շուրջ 1000 թուրքեր բողոքի ցոյց կատարած էին:

Գերմանացի պատգամաւորը. «Թուրքիան իրաւունք չունի մեր ներքին հարցերուն միջամուխ ըլլալու»

Թուրքիոյ նախագահ Ռեճեփ Թայիփ Էրտողանի կողմէն Պունտեսթալի մէջ Հայոց Ցեղասպանութիւնը ճանչցող բանաձեւի ընդունման կապակցութեամբ Գերմանիոյ մէջ բողոքի ցոյցեր հրահրելու նախաձեռնութիւնը բացարձակապէս անընդունելի է յայտնած է «Արմէնփրես»-ի հետ զրոյցի ժամանակ Գերմանիոյ Չախերու կուսակցութեան անդամ, Պունտեսթալի քրտական ծագում ունեցող պատգամաւոր Էվրիմ Սումմերը:



Եւրոպայի Նահանգային Օերակոյտի Նախկին Անդամ Արցախը Ճանչնալու Կոչ Ըրած Է

ԵՐԵՒԱՆ, «Նիուզ».- Եւրոպայի նահանգային Օերակոյտի նախկին անդամ Պիլ Պարթըն կոչ ըրած է ճանչնալու Արցախի Հանրապետութեան անկախութիւնը: Իր յօդուածին մէջ, որ հրապարակուած է spectrum.com կայքին վրայ, ան յիշեցուցած է, թէ երկու տարի առաջ, Եւրոպայի նահանգային Օերակոյտը արտօնած էր, որ «գազանաբարոյ բռնապետութեան (Ատրպէյճանի) հիւպատոսը մեզի դասախօսութիւն կարդայ պետութեան ներողամտութեան կարեւորութեան մասին», եւ վաւերացուցած էր Ատրպէյճանի մէջ մարդկային իրաւանց ոտնակոխումները ծածկելու նպատակով բանաձեւ, ուր կ'ողջունուէր «քրիստոնէաներու իրաւունքները յարգող» Ատրպէյճանի իշխանութեանը կեցուածքը:



«Փետրուարին լրացաւ բռնապետական Ատրպէյճանի մէջ առաջին ջարդերուն իրենց երկրի հայ քաղաքացիներու սպանդին 30 տարին: Եւրոպա պէտք է գիտնայ այս պատմութիւնը, որ տեղի ունեցած է Խորհրդային Միութեան մայրամուտին, որպէսզի ստախօս լոպիսականները այլեւս չկարենան մեզ խաբել», նշած է Պարթըն:

Յօդուածին մէջ ան մանրամասն կերպով ներկայացուցած է ջարդերուն պատմութիւնը եւ կոչ ըրած է դատապարտելու Ատրպէյճանի հրահրած յարձակումը եւ ռազմական յանցագործութիւնները:

Ըստ անոր այսօր, ինչպէս եւ 30 տարի առաջ, Սումգայիթի ջարդերուն անչուրեւակ, աշխարհի մեծ մասը անտարբերութեան մատնուած է, քանի որ Ատրպէյճան երկիր մըն է, որ կը կառավարուի քարիւղի հաշուոյն հարստացած բռնապետութեան մը կողմէ, եւ իրեն ի նպաստ «լոպիսական աշխատանք կատարողներ կը գնէ ու ազդեցութիւն կը գործէ մեր ուժային կառոյցներուն վրայ»:

«Ամերիկացիները պէտք է կողմնակից ըլլան անոնց, որոնք պատրաստ են պայքարելու իրենց հայրենիքին մէջ ազատօրէն ապրելու իրաւունքին համար»:

Մենք պէտք է ճանչնանք Արցախի ժողովուրդին իրաւունքները ու երկրին անկախութիւնը, եւ խոստանանք, որ Ամերիկան երկար տարիներով պիտի յիշէ անկախութեան համար այդ ժողովուրդին կատարած զոհաբերութիւնը:

Մենք պարտական ենք բոլորին, որոնք Խորհրդային Միութենէն ներս վախի մթնոլորտի մէջ ապրած են, բոլորի՛ն, որոնք լսած են նախագահ Ռեյլընի խօսքը եւ ատով ոգեշնչուելով՝ իրենց վրայէն կը նետեն ճնշումներու եւ բռնապետութեան շղթաները:

Մենք պարտական ենք Արցախի հայութեան: Եօթը նահանգներ արդէն իսկ ճանչցած են Արցախի Հանրապետութիւնը բանաձեւեր վաւերացնելով: Մենք պէտք է յաջորդը ըլլանք», շեշտած է ան:

Վերջինիս համոզմամբ՝ Գերմանիոյ մէջ գործող թուրքական ազգայնական Osmanen Germania Rocker խմբաւորումը ակնյայտօրէն կը դրսեւորէ ինքզինք որպէս թուրքական կառավարութեան ներկայացուցիչ:

«Լրատուամիջոցները կը հաղորդեն, որ փորձ կատարուած է այստեղ բնակող թուրքական ծագում ունեցող անձանց շրջանին մէջ բողոքի տրամադրութիւններ հրահրել՝ կապուած Պունտեսթալի մէջ այն բանաձեւի ընդունման հետ, որ կը ճանչնայ 1915/16 թուականներուն Օսմանեան կայսրութեան մէջ հայերու հետ տեղի ունեցածը որպէս ցեղասպանութիւն: Հայերու դէմ իրականացուած ցեղասպանութիւնը լաւ ուսումնասիրուած պատմական փաստ է, որ այսուհետ պէտք չէ հերքուի»:

Պետական ժխտողականութեան քաղաքականութիւնը կը պահպանէ գաղափարախօսական կեանքի սուտը, որու հիման վրայ կառուցուած է եւ մինչ այժմ հիմնուած է Թուրքիոյ Հանրապետութիւնը»,- ընդգծած է Պունտեսթալի պատգամաւորը: Ան նշած է, որ թուրքական պետութիւնը եւ առհասարակ Թուրքիոյ մէջ իրականացուող քաղաքականութիւնը դէմ յանդիման չի գար անցեալի հետ, որու հետեւանքով ալ այս ընթացքին բարձրացուած շատ ընկերային խնդիրներ, ինչպէս, օրինակ, պետութեան կողմէն հրահրուած ազգայնականութիւնն է, ներկայ օրերուն ալ կը շարունակուին եւ իրենց աղէտալի հետեւանքները կ'ունենան:

Շարունակուած էջ 1-էն

ՆՈՐԻՆ ՍՈՒՐԲ ՕՇՈՒԹԻՒՆ Տ.Տ. ԳԱՐԵԳԻՆ Բ. ...

Կը հաւատանք, որ Քրիստոսի Յարութեամբ անմահութեան ու յաւիտենական կեանքի արշալոյսը ցրած է կորստաբեր մեղքի խաւարը: Կը հաւատանք, որ մահուան առջեւ անգոր մարդկային կեանքը կը վերափոխուի երկնային զօրութեամբ, ժամանակաւորը կը վերածուի յաւիտենական գոյութեան: Կը հաւատանք, որ Փրկիչն ու Իր անմահութեան շնորհին հաղորդակցումը կը նորոգէ կեանքը, խաչերը կը դարձնէ ծաղկեալ, գողգոթաները յաղթութեան բարձունքներ: Կը հաւատանք, այո, որ մարդկային մեր տկար ուժերուն ընդառաջ եկող Աստուծոյ Սուրբ Հոգին կը լուսաւորէ մեր հոգեւոր տեսողութիւնը եւ կը զօրացնէ մեզ ընթանալու մեղքէն դէպի առաքինութիւն, ընթանալու դէպի մեր Տէրը, որպէսզի Իր հետ կեանք ունենանք եւ ժառանգակից ըլլանք երկնային արքայութեան:

Հաւատալ Քրիստոսի Յարութեան կը նշանակէ Միմոն Կիրենացիի պէս անտրտունջ Քրիստոսի խաչը կրել կեանքի յաղթանակի աներկբայ վստահութեամբ, Յովսէփ Արիմաթացիի նման բարեգործութիւններ կատարել, իղաբեր կանանց նման հաւատքն ու հաւատարմութիւնը պահպանել եւ Քրիստոսի Յարութեան ուրախութիւնը սփռել, առաքեալներու պէս աշխարհը Քրիստոսի Յարութեան լոյսով լուսաւորել: Այսպէս միայն կարելի է արժանանալ Փրկչի խոստման՝ հաւատքի զօրութեամբ մահուան իշխանութիւնը թօթափելու եւ յաւիտեան ապրելու:

Միբելի բարեպաշտ ժողովուրդ, Քրիստոսի Յարութեան հրաշագարդ իրողութիւնը մարդու եւ աշխարհի փրկութեան միջոցն է, աստուածային անսահման սիրոյ ու հոգածութեան վկայութիւնը, նեղութիւններու ու դժուարութիւններու յաղթահարման զօրութիւնը: Թովմասի նման երկմտող աշխարհին յարուցեալ Քրիստոս ցոյց կու տայ Իր վերքերը, որպէսզի բուժուին պատերազմներու ու աղէտներու աշխարհին պատճառած վերքերը: Յոյց կու տայ Իր չարչարանքներու հետքերը, որպէսզի դադրին մարդկային հոգիի տառապանքները, լռեն ատելութեան ձայները, մերժուին կործանարար ուղիները, որպէսզի գալիքի հանդէպ վստահութիւն փնտռող մարդկութիւնը ընդունի Փրկչի Յարութեան զօրութիւնը՝ առաքեալի նման բացագանչելով՝ Տէր իմ եւ Աստուած իմ (Յովհ. 20. 28):

Աստուածատուր այդ զօրութեամբ ու շնորհով յարատեւած է մեր ժողովուրդը՝ պատմութեան մէջ դիմակայելով դառն հարուածներու ու կերտելով իր ձեռքբերումները: Քրիստոսով, յարութեան ու փրկութեան հաւատքով մենք վեր յանդիմանք մեր խաչելութիւններէն, վերահաստատեցինք մեր պետականութիւնը, ձեռնամուխ եղանք նեղութիւններու թօթափման, մեր իրաւունքներու պաշտպանութեան եւ առաւել բարօր գալիքի կերտման: Մեր ժողովուրդի առաջընթացը, մեր պետութեան հզօրացումը եւ ի սփիւռս աշխարհի մեր կեանքի պայծառութիւնը պայմանաւորուած են իւրաքանչիւրիս մէջ Քրիստոսի ներկայութեամբ, Իր Յարութեան զօրութեան ներգործութեամբ եւ մեր արժանաւորութեամբ Փրկչի խոստման. «Ես իսկ եմ յարութիւն եւ կեանք. ով կը հաւատայ Ինձ, թեպէտ եւ մեռնի, կ'ապրի»:

Միբելի հաւատաւոր զաւակներ Մեր, շարունակենք ապրիլ ու գործել Քրիստոսի հետ: Մեր ընտանիքներուն մէջ խնամենք ու վառ պահենք հաւատքի լոյսը, հասարակական ու ազգային մեր կեանքին մէջ հաստատուն պահենք իրարու հանդէպ հոգածութիւնն ու զօրակցութիւնը, սերն ու միասնութիւնը: Շարունակենք ապրիլ հաւատքով, որպէսզի այսօր հնչող «Քրիստոս յարեալ» աւետիսը զօրացնէ մեզ ապագայի հանդէպ լուստեսութեամբ ու վստահութեամբ, կամքով ու կորովով հակառակ ամէն արգելքի ու նեղութեան, ջանք թափելու, ստեղծելու, հոգալու, որ իրագործենք առաջընթացի մեր նպատակները, հայրենաշէն մեր ծրագիրներն ու ազգային իղձերը: Թող մեր սիրտերը քաջալերուին այսօր մեզի յայտնուող յարուցեալ Տիրոջմով՝ սիրով եւ միասնութեամբ ընթանալու ազատ նոր կեանքի մեր ուղին՝ միշտ հաւատարիմ մնալով մեր Տիրոջ պատուիրաններուն եւ հաստատուն պահելով մեր ընթացքը դէպի յաւիտենութիւն:

Մեր Տէր Յիսուս Քրիստոսի Յարութեան բերկրալի աւետիսով ողջոյն կը բերենք Ն.Ս.Օ.Տ.Տ. Արամ Ա. Մեծի Տանն Կիլիկիոյ Կաթողիկոսին, Երուսաղէմի Հայոց Պատրիարք Ամենապատիւ Տ. Նուբհան Արքեպիսկոպոս Մանուկեանին: Կ'աղօթենք հիւանդութեան մահիճի մէջ գտնուող Ամենապատիւ Տ. Մեսրոպ Արքեպիսկոպոս Մուրաֆեան Պատրիարքի համար: Ի Քրիստոս սիրով կողջունենք քոյր Եկեղեցիներու հոգեւոր Պետերն ու իրենց հաւատացեալ հօտը: Հայրապետական օրհնութեամբ կողջունենք Սրբազան Պատարագի արարողութեան ներկայ Հայաստանի Հանրապետութեան Նախագահ Տիար Մերժ Սարգսեանը՝ Առաջին տիկնոջ հետ, ընտրեալ Նախագահ Տիար Արմէն Սարգսեանը, ողջոյն կը յղենք Արցախի Հանրապետութեան Նախագահ Տիար Բակօ Մահակեանին, հայոց պետական արագանիին, Հայաստանի մէջ հաւատարմագրուած դիւանագիտական առաքելութիւններու ներկայացուցիչներուն: Հայրապետական Մեր սերն ու օրհնութիւնը կը բերենք մեր Սուրբ Եկեղեցւոյ ողջ հոգեւոր դասուն եւ հաւատաւոր մեր ժողովուրդին ի հայրենիս եւ ի սփիւռս:

Կ'աղօթենք առ մեր Տէրը Յիսուս Քրիստոս, որ մեր հայրենիքին ու ամբողջ աշխարհի մէջ մշտապէս սփռուած մնան Իր Յարութեան կենարար պարգէւները, խաղաղութիւնը հաստատուի աշխարհի վրայ, մարդոց սրտերուն մէջ, մեր երկրի սահմաններուն: Կը հայցենք, որ Փրկչի Յարութեան շնորհներով զօրացած՝ Մեր զաւակներու ամէն գործ զարթօնք ու լուսաւորութիւն բերէ ազգային մեր կեանքին, եւ աստուածաշնորհ պարգէւները հովանի ըլլան մեր ժողովուրդին այսօր եւ միշտ ցնծութեամբ աւետելու:

Քրիստոս յարեալ ի մեռելոց,
Օրհնեալ է Յարութիւնն Քրիստոսի:

(Սուրբ Էջմիածին, 1 Ապրիլ 2018)

Ստեփանակերտի Օդակայանին Մէջ Պիտի Կազմակերպուի Երկրորդ Օդային Փառատօնը



Արցախի տնտեսութեան եւ արտադրական ենթակառուցուածքներու նախարարութեան եւ «ԵՒՂ Էքսթրիմ փարկ» ընկերութեան նախաձեռնութեամբ Ստեփանակերտի օդակայանին մէջ ամբարն կը կազմակերպուի օդային երկրորդ փառատօնը:

Այս մասին՝ ըստ «Արցախփրես»-ի՝ կը տեղեկացնէ է տնտեսութեան եւ արտադրական ենթակառուցուածքներու նախարարութեան մամուլի պատասխանատու Մերի Ղազարեան: Անոր խօսքով՝ Մարտ 23-ին տնտեսութեան եւ արտադրական ենթակառուցուածքներու նախարար Լեւոն Գրիգորեան Ստեփանակերտի օդակայանին մէջ «ԵՒՂ Էքսթրիմ փարք» նախագիծի հեղինակ, համահիմնադիր Տիգրան Զիրուխչեանի հետ փառատօնի կազմակերպման հետ կապուած աշխատանքային քննարկում ունեցած է:

Մասնաւորապէս քննարկուած են փառատօնի ծրագիրը ու ձեռնարկներու ցանկը:

Արցախի մէջ ասեղնագործութեան դասընթացներ պիտի կազմակերպուին

Այս տարի, Արցախի մէջ առաջին անգամ, պիտի կազմակերպուին ասեղնագործութեան դասընթացներ:



Այս մասին, ըստ Artsakhpress.am-ի, ըսած է ԱՀ մշակոյթի, երիտասարդութեան հարցերու եւ զբօսաշրջութեան նախարարութեան մշակութային ժառանգութեան եւ ժողովրդական արուեստներու բաժնի վարիչ Երազիկ Դանիէլեան՝ նշելով, որ դասընթացներուն կրնան մասնակցիլ կարող բոլոր ցանկացողները՝ առանց տարիքային սահմանափակման:

«Դասընթացներու թեման պիտի ըլլայ արցախեան ասեղնագործութիւնը: Հայաստանի Հանրապետութենէն պիտի հրաւիրուին համապատասխան մասնագէտներ, քննարկումները ընթացքի մէջ են: Ասեղնագործութեան դասընթացներուն առաջին օրը՝ մասնագէտները հանդէս պիտի գան դասախօսութեամբ, որուն պիտի յաջորդեն գործնական աշխատանքները», - նշած է Ե. Դանիէլեան:



Աթենք, 4 Ապրիլ 2018

Ազնուափայլ Տիկնայք եւ
Պատուարժան Պարոնայք
Հ.Բ.Ը.Միութեան Անդամուհիներ եւ Անդամներ

Յունաստանի Հ. Բ. Ը. Միութեան Կեդրոնական Յանձնաժողովը, իր յարգալից շնորհակալութիւնները կը յայտնէ, բոլոր անդամներուն որոնք իրենց քուէներով, իրենց վստահութիւնը յայտնեցին մեզի եւ այդ բոլորին շնորհիւ մենք կարողացանք մեր կեդրոնական վարչութիւնը գոյացնել հետեւեալ կազմով:

- | | |
|----------------------|------------------|
| Օլսաննա Գարայեան | Ատենապետուհի |
| Արիս Խաչատուրեան | Փոխ-Ատենապետ |
| Լուսի Յակոբեան | Ատենադպրուհի |
| Սերգօ Փաչանեան | Գանձապահ |
| Յովհաննէս Առաքելեան | Խորհրդական Անդամ |
| Արման Մենէստեան | Խորհրդական Անդամ |
| Յովհաննէս Չուլուբեան | Խորհրդական Անդամ |

Կրկին անգամ կը յայտնենք մեր գնահատանքը բոլոր անդամներուն, իրենց քաջալերական քուէներուն համար, եւ այս առիթով կը շնորհաւորենք Միութեան բոլոր ընտանիքները, Քրիստոսի Ս. Յարութեան Տօնին առթիւ եւ կը մաղթենք բոլորին առողջութիւն եւ անձնական գործոց յաջողութիւն, եւ բոլորս միաբերան կ'աղաղակենք՝

«Քրիստոս Յարեալ Ի Մենելոց՝
Օրհնեալ է Յարութիւնը Քրիստոսի»

Խորին Յարգանքով՝

Ի դիմաց
Հ. Բ. Ը. Միութեան
Յունաստանի Կեդր. Յանձնաժողովի

Ատենադպրուհի
Լուսի Յակոբեան

Ատենապետուհի
Օլսաննա Գարայեան



Հ.Բ.Ը.Մ.-ի «Ա. Գալփաքեան»
Վարժարանի աշակերտներու
մասնակցութիւն «Արի Տուն» ծրագրին

Յարգելի Հայրենակիցներ,

Հ.Բ.Ը.Մ.-ի «Ա. Գալփաքեան» Վարժարանը կը կազմակերպէ այցելութիւն մը դէպի Հայաստան, Հ.Հ. Սփիւռքի Նախարարութեան սփիւռքի պատանիներու հայրենաճանաչութեան «Արի Տուն» ծրագրին միջոցաւ:

«Արի Տուն» ծրագրի նպատակն է՝ կապ ստեղծել աշխարհասփիւռ հայ պատանիներուն եւ հայրենիքի միջեւ, որպէսզի հայրենիքէն հեռու ապրող պատանիները մօտէն ծանօթանան իրենց երազած հայրենիքը, վայելեն անոր չքնաղ բնութիւնը եւ հայկական ոգիով թրծուին:

Օրագրին տեւողութիւնը պիտի ըլլայ 8 Յուլիս 2018-էն, մինչեւ 21 Յուլիս 2018-ը, ուր կրնան մասնակցիլ 13-18 տարեկան պատանիներ:

Յաւելեալ տեղեկութիւններու համար՝ փափաքողները կրնան դիմել մինչեւ Մայիս 15, 2018-ը, հետեւեալ հեռաձայնի թիւերուն.- 2109816679 եւ 2109825685:

Տնօրէնութիւն

ՅԻՇԱՏԱԿԻ ՊԱՇՏԱՄՈՒՆՔ

Պիտի կատարուի
Յիշատակի Պաշտամունք
նուիրուած՝

Բամբիշ՝
Սալբի Չոլաքեանի

մահուան 10րդ տարելիցին առթիւ

Կիրակի, 15 Ապրիլ, 2018, երեկոյեան ժամը 7.00ին
Գոքինիոյ Հայ Աւետարանական Եկեղեցոյ մէջ:

Առաջնորդութեամբ՝
Վեր. Վիգէն Չոլաքեանի

Պատգամաբեր՝
Վեր. Փօլ Հայտօսթեան
(Նախագահ՝ Պէրրոթի Հայկազեան Համալսարանի
Եւ Ատենապետ ՄԱՀԱԵՄԻ Կեդրոնական Մարմնի)

Շնորհաւորանք



Սեւան եւ Ֆոթինի Կորին
բախտաւորուած են աղջիկ
զաւակով մը:

Մեր լուսագոյն բարեմաղ-
թանքները ծնողաց եւ մեծ
ծնողաց:

ԳՐԱԻՈՒԱԾ ՕՐ

ՄԻՕՐԵԱՅ ՊՏՈՅՏ
13/5/2018

Արարատ Մ.Մ.Միութեան
Տիկնանց Յանձնախումբ

Թուրքիոյ Տերիքի Միակ
Հայր Հայկական Եկեղեցոյ
Մէջ Նշած է Չատիկը

Մ ի ն չ է ի
Հայոց Յեղասպանութիւնը
մեծաթիւ հայ
բնակչութիւն
ունեցող Մար-
տինի Տերիքի
ըջանի միակ
հայր Սուրբ
Յարութեան



տօնին այցելած է սուրբ Գէորգ
եկեղեցի: 5 տարի առաջ Պոլիսէն
հայրենի Տերիք վերադարձած
Չեքերիա Մապունջուն սուրբ
Յարութեան տօնին միայնակ
այցելած է Տերիքի հայկական
Սուրբ Գէորգ եկեղեցի,
հնչեցուցած է եկեղեցոյ զանգը,
մով վառած ու աղօթած:

Քաջալերեցէք
հայ մամուլը

ՆՈՐ ԱՇԽԱՐՀ
ԱԶԳԱՅԻՆ, ՄՇԱԿՈՒԹԱՅԻՆ.
ՀԱՍԱՐԱԿԱԿԱՆ
ՇԱԲԱԹԱԹԵՐԹ

Սեփականութիւն
ԱՐԱՐԱՏ Մ Մ ՄԻՈՒԹԻԻՆ
Միսթու 33, Նիքեա, Յունաստան
Համակարգչային
շարուածքը եւ էջադրումը՝
ՆՈՐ ԱՇԽԱՐՀ շաբաթաթերթի
Տնօրէն՝
Ընկ. Սարգիս Խաչատուրեան
Արտօնատէր -
Փաստաբան՝
ընկ. Յակոբ Տէսճեան

“NOR ASKHAR”
Արմենիկ Էթոմաճիա
Էթիմերիճա
Իժոկտիճիա “APAPAT”
Փիլօլօգիկօ Աթլիտիկօ Տօմաթիօ

Լիւթօնտիճ
Տարկիճ Խատսաթուրիան
Էկժօտիճ -
Իակօբօս Փետճիան Լիկիլօրօս
Շիլտօս 33 - TK 18450 - Նիկաիա
Դիլ: 210-4926085
“NOR ASHKHAR”
Armenian Cultural Social Weekly

33 Sistou Str.
GR 18450 NIKEA GREECE
Tel-Fax: 00+30+210-4926085

Բացի իմբազրականներէն,
յօղոմաճազիրներու տեսակէտ-
ներն ու գաղափարները անպայ-
մանօրէն չեն արտայայտեր թեր-
թին ուղեգիծը:

Քիելի մեջ հայկական մշակոյթի թանգարան բացուած է



Քիելի Ռերիխի անուան հանրային գրադարանին մեջ արդէն մէկ ամիսէ ի վեր կը գործէ հայկական մշակոյթի «Լուսասարդ» թանգարան-սրահը: Պատմականօրէն այնպէս դասաւորուած է, որ գրադարանը երկար ժամանակ համագործակցած է հայ համայնքի հետ, ուստի որոշում ընդունած է հայկական մշակոյթին, գրականութեանն ու արուեստին նուիրուած սրահ բանալ:

Ինչպէս կը նշէ AnalitikaUA.net-ը, Քիելի հայ համայնքի կանանց կոմիտէի եւ գրադարանի ներկայացուցիչներու համատեղ ջանքերով հաւաքուած են մեծ թիւով գիրքեր, նկարներ եւ հայկական մշակութային ժառանգութեան այլ նմուշներ: Թանգարան-սրահի բացման արարողութիւնը կայացած է Մայրենի լեզուի միջազգային օրը՝ Փետրուար 21-ին Ռերիխի անուան գրադարանին մեջ, որ կը գտնուի Քիելի Երեւանեան 12 հասցէին մեջ, ինչ որ խորհրդանշական է:

Ինչպէս յայտնի է, Ուքրանիոյ հայ համայնքը ամենամեծերէն ու կազմակերպուածներէն մէկն է: Այժմ Ուքրանիոյ մեջ կ'ապրի բազմահազարանոց հայ համայնք հանրապետութեան բազմաթիւ քաղաքներու մեջ, ուր կան եկեղեցիներ, դպրոցներ կը գործեն հասարակական-մշակութային կազմակերպութիւններ:

«Լոյս» կրթաթոշակ ստացողները այսուհետեւ ուսումը աւարտելէ ետք պարտաւոր են առնուազն 3 տարի աշխատին Հայաստանի մեջ

«Լոյս» հիմնադրամը, որու շնորհիւ հայ երիտասարդներ կրնան կրթութիւն ստանալ աշխարհի լուսագոյն համալսարաններու մեջ, կրթաթոշակի ծրագրի նոր կանոնակարգ ընդունած է՝ ռազմավարական փոփոխութիւններ իրականացնելով հիմնադրամի աշխատանքի մեջ:



Ըստ «ՓանԱրմինիըն»-ի՝ այսուհետեւ կրթաթոշակատուներուն պայման պիտի առաջադրուի ուսման աւարտէն ետք Հայաստան վերադառնալ:

2017 Յուլիսին «Լոյս»էն օգտուողներու հետ հանդիպման ընթացքին նախագահ, «Լոյս» հիմնադրամի համահիմնադիր Սերժ Սարգսեան իր ելոյթին մեջ նշած էր, որ Հիմնադրամի աշխատանքի մեջ ռազմավարական փոփոխութիւններ իրականացնելու ժամանակն է:

Յայտարարութեան յաջորդած ամիսներուն «Լոյսը» ուսումնասիրած է 2009էն ի վեր իր բոլոր գործառնութիւնները: Կատարուած վերլուծութեանց հիման վրայ «Լոյս»ի գիտական խորհուրդը որոշած է Կրթաթոշակի ծրագրի նոր կանոնակարգ՝ ռազմավարական այս նոր մօտեցումը թոյլ կու տայ աւելի նպատակաւոր դրամ ծառայել Հայաստանի եւ ողջ Հայկական աշխարհի զարգացման:

Լափշինը Հայաստան պիտի այցելէ

Ռուսիոյ եւ Իսրայէլի քաղաքացի, էջատեր Ալեքսանդր Լափշինը, որ Արցախ այցելելուն համար Ատրպէյճանի մեջ բանտարկուած էր, ազատ արձակուելէն ետք կրկին մտադիր է այցելելու Հայաստան: Ըստ Armenpress.am-ի, այս մասին դիմատետրի իր էջին յայտնած է Լափշինը՝ տեղեկացնելով, որ Երեւանի մեջ պիտի մասնակցի Ապրիլ 20-22 իրականացուող Tour Expo 2018 միջազգային զբոսաշրջային ցուցահանդէսին:



Ան կատակած է, որ Հայաստանի մեջ պիտի ներկայացնէ Ատրպէյճանի մեջ ունեցած իր «փորձառութիւնը»: «Ես զբոսաշրջային ցուցահանդէսի մասնակցելու նպատակով պիտի մեկնիմ Երեւան: Պիտի ներկայացնեմ իմ հեղինակային ծրագիրը՝ «Լափշինի հետքերով՝ Պաքուի մեջ»:

Օրագիրը կը ներառէ թռիչք Մեհրիպան Ալիեւիայի (խմբ. Ատրպէյճանի առաջին տիկնոջ) անձնական օդանաւով, հանգիստ Քիրտախանի բանտին մեջ՝ all inclusive, եւ Պաքուի ծանր յանցագործութիւնները քննող դատարան: Պտոյտին արժողութիւնը՝ պայմանագրային... կատակ է: Իրականութեան մեջ ցուցահանդէսին պիտի պատմեմ ճանապարհորդութիւններու մասին, հետաքրքրական պիտի ըլլայ, այցելեցէք»,- գրած է Լափշին:

Նշենք, որ ան առաջին անգամ Հայաստան եւ Արցախ այցելած էր 2011-ին:

Ճգնաւորեանի ֆիլմը մրցանակակիր՝ Վենետիկի ֆիլմերու փառատօնին

Հայաստանի Ամերիկեան համալսարանը կը տեղեկացնէ, թէ իր դասախօսներէն Ջարեհ Ճգնաւորեանի «Եղերգ Լոյսի Մէջ» ֆիլմը գլխաւոր մրցանակը շահած է Վենետիկի մեջ առաջին անգամ ըլլալով կայացած «Ճգնաւորական ֆիլմերու միջազգային փառատօն»-ի վաւերագրական ֆիլմերու բաժանմունքին մեջ:



Փառատօնի տնօրէն Սարա Ֆերբո դրուատած է յատկապէս այս ֆիլմին «կախարդական նկարահանումը», միա-ժամանակ շեշտելով, որ անիկա «բրածոյի մը տոկունութիւնը ունի, հակառակ արտաքինապէս տկար թուելուն»:

Ֆիլմը նկարահանուած է Վազգէն Ա. կաթողիկոսի թաղման արարողութեան ընթացքին, եւ անոր միջոցաւ հեղինակը կը փորձէ պատկերել հոգեփոխութիւնն ու մահուան տեսիլքը՝ օգտագործելով Լորիս Ճգնաւորեանի «Քրիստոսի Կեանքը» ստեղծագործութեան երաժշտութիւնը:

Նշեալ փառատօնը նուիրուած է հոգեւորական հարցերու, գաղտնի վարդապետութեանց, գերբնական կամ կախարդական հաւատքներու առնչուող ֆիլմերու:

Ջարեհ Ճգնաւորեան ծնած է Ֆարկո (Լորթ Տաքոթա), հասակ նետած է երաժիշտներու ընտանիքի մը մեջ եւ կեանքի տարբեր հանգրուանները ապրած է Թեհրանի, Լոնտոնի, Ֆրանսիոյ, Փարիզի եւ Նիւ Եորքի մեջ: Ան մասնագիտացած է շարժապատկերի եւ պատկերասփիւռի յայտագիրներու արտադրութեան մեջ, իսկ անոր նորագոյն ֆիլմը կ'առնչուի Խորհրդային Հայաստանի ապաստանած Հայոց Ցեղասպանութենէն վերապրողներու փորձառութեանց:

Հիմնադրամը հաղորդագրութեամբ մը կը տեղեկացնէ հիմնական փոփոխութիւնները, որոնք կը վերաբերին՝

ա.- Կրթաթոշակատուներին առաջադրուող պայմաններին (օրինակ՝ այսուհետ կրթաթոշակատուներին պայման է առաջադրուելու ուսման աւարտից յետոյ Հայաստան գալու եւ առնուազն երեք տարի այստեղ ապրելու/աշխատելու),

բ.- Հայաստանի եւ սփիւռքի երիտասարդների համար նախատեսուած կրթաթոշակային տեղերի քանակային յարաբերակցութեանը,

գ.- Տրամադրուող կրթաթոշակի հաշուարկման չափանիշներին: